

Na osnovu člana 66. stav 1. Zakona o zdravstvenoj zaštiti („Službene novine Federacije BiH“, br. 46/10 i 75/13), člana 45., a u vezi sa čl. 43., 44., 46., 47. i 48. Statuta („Službene novine Federacije BiH“, broj 73/13), i Odluke privremenog Upravnog odbora Kliničkog centra Univerziteta u Sarajevu, donesene na 1. redovnoj sjednici održanoj dana 30.10.2023. godine br. 07/23, privremeni Upravni odbor Kliničkog centra Univerziteta u Sarajevu, objavljuje:

PONIŠTENJE JAVNOG OGLASA ZA IZBOR I IMENOVANJE GENERALNOG DIREKTORA KLINIČKOG CENTRA UNIVERZITETA U SARAJEVU

Poništava se Javni oglas za izbor i imenovanje Generalnog direktora KCUS-a Kliničkog centra Univerziteta u Sarajevu, objavljenog dana 06.10.2023. godine u „Službenim novinama Federacije BiH“ broj 77/23, dnevnim novinama „Oslobođenje“ i web stranici kcus.ba i raspisuje

PONOVNI JAVNI OGLAS ZA IZBOR I IMENOVANJE GENERALNOG DIREKTORA KLINIČKOG CENTRA UNIVERZITETA U SARAJEVU

Raspisuje se ponovni javni oglas za izbor i imenovanje generalnog direktora Kliničkog centra Univerziteta u Sarajevu

I NAZIV POZICIJE

- Generalni direktor Kliničkog centra Univerziteta u Sarajevu.

II OPIS POZICIJE

U skladu sa odredbama člana 68. Zakona o zdravstvenoj zaštiti („Službene novine Federacije BiH“, br. 46/10 i 75/13), kao i odredbama člana 48. Statuta („Službene novine Federacije BiH“, broj 73/13),

Generalni direktor:

- organizira funkcioniranje i rukovodi radom Kliničkog centra Univerziteta u Sarajevu (u daljem tekstu: KCUS),
- organizira i vodi stručni rad KCUS-a u saradnji sa Stručnim vijećem,
- predstavlja i zastupa KCUS u skladu s ovlaštenjima iz Statuta,
- predlaže unutrašnju organizaciju i sistematizaciju KCUS-a uz učešće i Upravnog odbora,
- brine se o izvršavanju odluka Upravnog odbora,
- obustavlja od izvršenja odluke stručnih organa ukoliko ocijeni da nisu usaglašene s Ustavom ili su u suprotnosti sa zakonom i drugim propisom, ili bi izvršenje tih odluka moglo izazvati štetne posljedice po KCUS, o čemu je dužan odmah obavijestiti Upravni odbor i Nadzorni odbor, kao i donositelja akta, te Federalno ministarstvo zdravstva,

Pau

- predlaže osnove plana rada i razvoja,
- stara se o primjeni finansijskih propisa u poslovanju KCUS-a i naredbodavac je za izvršenje finansijskog plana,
- odgovara Upravnom odboru za rezultate rada i finansijsko poslovanje KCUS-a,
- podnosi Upravnom odboru izvještaj o rezultatima rada i finansijskog poslovanja te poduzima mjere za uspješno poslovanje, unapređenje organizacije i procesa rada,
- učestvuje u radu Upravnog i Nadzornog obora, bez prava odlučivanja,
- pokreće postupak donošenja i usaglašavanja općih akata te daje prijedloge Upravnom odboru;
- imenuje i razrješava savjetnike generalnog direktora koji su svojim mandatom vezani za mandat generalnog direktora,
- imenuje i razrješava šefove organizacionih jedinica na period od četiri godine, bez ograničavanja mandata,
- odlučuje o potrebi prijema radnika, saglasno finansijskim mogućnostima KCUS-a, zaključuje ugovore o radu, vrši raspoređivanje radnika na radna mjesta u skladu s Pravilnikom o unutrašnjoj organizaciji i sistematizaciji radnih mjesta KCUS-a, odlučuje o prestanku i otkazu ugovora o radu,
- odlučuje u prvom stepenu o pravima i obavezama radnika iz rada i u vezi s radom, shodno Zakonu o radu, kolektivnom ugovoru, Statutu i drugim općim aktima KCUS-a,
- određuje i izriče disciplinske mjere u prvom stepenu protiv zaposlenika KCUS-a, a nakon provedenog prvostepenog disciplinskog postupka;
- izdaje naloge i upute za rad pojedinih organizacionih jedinica, radnika ili grupe radnika, a radi izvršenja određenih poslova,
- po potrebi formira komisije, radne i stručne grupe i druga radna i savjetodavna tijela radi razrade određenih pitanja, izrade studija, analiza, prijedloga, stručnih mišljenja i sl.,
- odgovoran je za ostvarivanje prava i obaveza pacijenata u KCUS-u u skladu sa Zakonom o pravima, obavezama i odgovornostima pacijenata,
- donosi odluku po prigovoru pacijenta koji smatra da su mu povrijeđena prava vezana za ostvarivanje zdravstvene zaštite, odnosno kada pacijent nije zadovoljan pruženom zdravstvenom uslugom, odnosno postupkom zdravstvenog ili drugog radnika zdravstvene ustanove,
- sprovodi opće akte koji po svom sadržaju spadaju u nadležnost generalnog direktora;
- obavlja i ostale poslove utvrđene zakonom, Statutom i drugim propisima.

III MANDAT

Mandat generalnog direktora traje 4 (četiri) godine, s mogućnošću reizbora za još jedan mandatni period saglasno Zakonu o zdravstvenoj zaštiti i čl 45. Statuta KCUS-a.

IV UVJETI ZA KANDIDATE

A) OPĆI UVJETI

- da je stariji od 18 godina,
- da je državljanin Bosne i Hercegovine,

- da se na njega ne odnosi član IX.1. Ustava Bosne i Hercegovine, odnosno da nije pod optužbom Međunarodnog suda za ratne zločine,
- da nije na funkciji u političkoj stranci,
- da nema privatni – finansijski interes u KCUS-u.

B) POSEBNI UVJETI

Kandidat za poziciju generalnog direktora KCUS-a, pored uvjeta iz tačke IV podtačka A) ovog oglasa, mora da ispunjava i sljedeće posebne uvjete predviđene članom 66. stav 6. Zakona o zdravstvenoj zaštiti („Službene novine Federacije BiH“, br. 46/10 i 75/13), kao i članom 44. Statuta:

- VSS – završen medicinski fakultet,
- završena specijalizacija iz djelatnosti KCUS-a,
- nastavnik medicinskog fakulteta u rangu redovnog ili vanrednog profesora, odnosno docenta,
- da je afirmirani stručni i naučni radnik iz oblasti medicine,
- da ima radno iskustvo od najmanje 5 (pet) godina u struci,
- da posjeduje znanje iz zdravstvenog menadžmenta (znanje o zdravstvenom menadžmentu dokazuje certifikatom/rješenjem o obavljenoj edukaciji iz zdravstvenog menadžmenta, i to sva tri nivoa edukacije u skladu sa propisima o kontinuiranoj profesionalnoj edukaciji iz zdravstvenog menadžmenta odnosno završenoj specijalizaciji iz zdravstvenog menadžmenta ili završenom postdiplomskom studiju iz zdravstvenog menadžmenta,
- da posjeduje aktivno znanje engleskog jezika,
- da posjeduje sposobnost komuniciranja, javnog nastupa, da posjeduje rukovodne i organizatorske sposobnosti za vođenje javne ustanove od posebnog značaja za FBiH i Državu BiH.

V POTREBNI DOKUMENTI

Uz Prijavu na ponovni javni oglas, kandidati su dužni dostaviti dokaze o ispunjavanju općih i posebnih uvjeta iz tačke IV podtačke A) i B) ovog oglasa.

Dokazi o ispunjavanju općih uvjeta iz tačke IV. podtačka A) su sljedeći:

- izvod iz matične knjige rođenih,
- uvjerenje o državljanstvu - ne starije od šest mjeseci,
- ovjerena izjava da se na njega ne odnosi član IX.1. Ustava Bosne i Hercegovine, odnosno da nije pod optužbom Međunarodnog suda za ratne zločine,
- ovjerena izjava da nije na funkciji u političkoj stranci,
- ovjerena izjava da nema privatni – finansijski interes u KCUS-u

Dokazi o ispunjavanju posebnih uvjeta iz tačke IV podtačka B) su sljedeći:

- diploma medicinskog fakulteta,
- uvjerenje o položenom specijalističkom ispitu iz djelatnosti KCUS-a,
- odluka da je kandidat izabran za nastavnika medicinskog fakulteta u rangu redovnog ili vanrednog profesora, odnosno docenta,

Pun

- spisak objavljenih naučnih i stručnih radova; recenzirana knjiga, udžbenik ili monografija; članstva u medicinskim udruženjima u zemlji i inostranstvu; naučna i nastavna djelatnost, odnosno naučno-istraživačka aktivnost, učešće u projektima; učešće na kongresima, konferencijama, simpozijima i dr. skupovima,
- potvrda o radnom iskustvu od najmanje 5 (pet) godina u struci,
- certifikat o obavljenoj edukaciji iz zdravstvenog menadžmenta u skladu sa Pravilnikom o uslovima u pogledu vrste završenog fakulteta zdravstvenog usmjerenja koje moraju ispuniti osobe koje konkurišu za direktora zdravstvene ustanove („Službene novine Federacije BiH” br.77/17 i 61/21)
- certifikat o aktivnom znanju engleskog jezika,
- ovjerena izjava kandidata.

Uz Prijavu na ponovni javni oglas, koja treba da sadrži ime i prezime, adresu i kontakt telefon kandidata, pored traženih dokaza kandidati su dužni dostaviti i:

- program rada i razvoja KCUS-a u narednom četvorogodišnjem periodu
- kraću biografiju

Dokazi o ispunjavanju općih i posebnih uvjeta iz tačke IV. podtačka A) i B), mogu biti originalni dokumenti ili ovjerene kopije ne starije od šest mjeseci.

VI PODNOŠENJE PRIJAVA

Ponovni javni oglas ostaje otvoren dvadesetjedan (21) dan od dana posljednjeg objavljivanja.

Ponovni javni oglas objavit će se u „Službenim novinama Federacije BiH” i dnevnim novinama „Oslobođenje”.

Neblagovremene i nepotpune prijave neće biti uzete u razmatranje.

Prijave kandidata sa dokazima dostavljaju se preporučenom poštom na adresu ili neposrednom predajom na glavni protokol KCUS-a na adresu:

„KLINIČKI CENTAR UNIVERZITETA U SARAJEVU“

-Komisiji za provođenje postupka izbora kandidata za Generalnog direktora

Kliničkog centra Univerziteta u Sarajevu

Ulica i broj: Bolnička 25.

71000 Sarajevo“

sa naznakom

**„Prijava za izbor i imenovanje Generalnog direktora Kliničkog centra
Univerziteta u Sarajevu – NE OTVARAJ.“**

VII OSTALE NAPOMENE

Svi kandidati koji ispunjavaju kriterije za izbor generalnog direktora bit će uvršteni na listu sa užim izborom i pozvani na intervju.

Prije intervjuja kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja. Obrasci se popunjavaju neposredno prije intervjuja.

P. R.

Prijave i dokumentacija se neće vraćati kandidatima koji su aplicirali na ovaj javni oglas.

Lični podaci o učesnicima javnog oglasa su tajni i mogu se prikupljati i obrađivati samo u skladu sa odredbama Zakona o zaštiti ličnih podataka („Službeni glasnik BiH“, br. 49/06, 76/11 i 89/11).

Saglasno članu 47. Statuta, svi učesnici javnog oglasa će biti pisanim putem obavješteni o imenovanju generalnog direktora u roku od trideset (30) dana od dana donošenja odluke.

Odluka o imenovanju odnosno razrješenju Generalnog direktora iz čl.45 stav 1. Statuta KCUS-a podliježe obaveznoj prethodnoj saglasnosti federalnog ministra zdravstva, shodno članu 66. stav 3. Zakona o zdravstvenoj zaštiti i člana 43. stav 2. Statuta KCUS-a.



**PREDSJEDNIK
PRIVREMENOG UPRAVNOG ODBORA**

Prof.dr Benjamin Kulovac

KLINIČKI CENTAR UNIVERZITETA U SARAJEVU broj: 1		
PRIMLJENO: 31-10-2023		
Organizaciona jedinica	Klasifikaciona oznaka	Redni broj
65	04-4	- 33207